



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br: 12/03, 34/03 i 65/13), čl. 11. Odluke o promjeni oblika organizovanja Javnog preduzeća „Centar za sport i rekreaciju“ Sarajevo u Javnu ustanovu – prečišćeni tekst ("Službene novine Kantona Sarajevo", broj: 21/18) i člana 8. Odluke o standardima i kriterijima za imenovanje na pozicije u reguliranim organima koja vrši Općinski načelnik Općine Centar Sarajevo ("Službene novine Kantona Sarajevo", broj: 50/17) Općinski načelnik raspisuje:

JAVNI OGLAS
za izbor i imenovanje Predsjednika Upravnog odbora iz reda predstavnika
osnivača Javne ustanove „Centar za sport i rekreaciju“ Sarajevo

I

1. U Upravni odbor Javne ustanove „Centar za sport i rekreaciju“ Sarajevo bira se:

- Predsjednik UO/predstavnik osnivača – jedan član

II

OPIS POZICIJA:

- Upravni odbor donosi pravila Ustanove, imenuje i razrješava direktora, utvrđuje Godišnji program rada i razvoja, donosi finansijski plan i usvaja godišnji obračun, donosi opće akte o unutrašnjoj organizaciji i sistematizaciji poslova i druge opće akte u skladu sa zakonom i pravilima Ustanova, odlučuje o svim pitanjima obavljanja djelatnosti radi kojih je Ustanova osnovana, ukoliko zakonom ta pitanja nisu u nadležnosti drugih organa Ustanova, usmjerava, kontroliše i ocjenjuje rad direktora, rješava sva pitanja odnosa sa osnivačem, odgovara osnivaču za rezultate rada Ustanove, odlučuje o korištenju sredstava preko iznosa utvrđenog pravilima Ustanove, odlučuje o prigovoru radnika na rješenja koje je donio drugi organ u skladu sa pravilima Ustanove, podnosi osnivaču najmanje jedanput godišnje pismeni izvještaj o poslovanju ustanove, vrši druge poslove u skladu sa zakonom i pravilima Ustanove.

III

Opći uslovi koje svaki kandidat treba da ispunjava su slijedeći:

- da je stariji od 18 godina;
- da je državljanin Bosne i Hercegovine;
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije u Javnom oglasu;
- da se na tog kandidata ne odnosi član IX. tačka 1. Ustava Bosne i Hercegovine;
- da nije zaposlen na drugoj izbornoj poziciji u reguliranom organu, koja može uticati na eventualni sukob interesa;
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13).

Posebni uslovi koje svaki kandidat treba da ispunjava su slijedeći:

- da posjeduje najmanje visoku stručnu spremu;
- da ima najmanje tri godine radnog iskustva (poželjno u oblasti sporta, kulture);
- da nije direktor ustanove za čiji organ se kandiduje;
- da nema privatni - finansijski interes u organu za koji se kandiduje;
- da nije bliski srodnik u smislu sukoba interesa sa bilo kojim članom ili zaposlenikom u ustanovi za čiji organ se kandiduje;
- da nije općinski vijećnik/ca u mandatu.

Izuzetno, ukoliko se u reguliranom organu ne može obezbijediti kandidat, predstavnik osnivača koji ispunjava standarde oglasa u pogledu stručne spreme i radnog iskustva, na poziciju za koju se raspisuje javni oglas, može se izabrati kandidat koji posjeduje višu (VI stepen) ili srednju (IV stepen) stručnu spremu, te kandidat koji ima najmanje jednu godinu radnog iskustva.

IV

POTREBNA DOKUMENTACIJA:

- prijava sa naznakom za koju se poziciju iz Javnog oglasa kandiduje;
- uvjerenje o državljanstvu (ne starije od 6 mjeseci);
- diploma o završenoj stručnoj spreml;
- dokaz o radnom iskustvu (uvjerenje, potvrda potpisana i ovjerena od poslodavca ili uvjerenje o radnom stažu od FZ PIO/MIO);
- izjava;
(kopije dokumenata moraju biti ovjerene).

Napomena: Izabrani kandidat će biti dužan, prije konačnog imenovanja, dostaviti uvjerenje o nevođenju krivičnog postupka (ne starije od 3 mjeseca).

Obrazac prijave za člana Upravnog odbora i izjave mogu se lično preuzeti na Info-pultu u Općini Centar Sarajevo ili sa WEB-stranice Općine: www.centar.ba

Dokumentaciju dostaviti lično ili poslati preporučeno poštom na adresu:

**Općina Centar Sarajevo, Mis Irbina broj 1.
Služba za obrazovanje, društvene djelatnosti, kulturu i sport
sa naznakom: „Prijava na Javni oglas - ne otvarati“**

Krajnji rok za podnošenje prijave je 15 dana od dana objavljivanja Javnog oglasa.

Neblagovremene i nepotpune prijave neće se uzeti u razmatranje.

OPĆINSKI NAČELNIK

Srđan Mandić